


Yesux Tawx Pui Phuan Rheng Ih



Lukax 9:10-17

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Krax Pa Nih Nai Krai Lao Tau


Mawh pui mawx pa cheung tix yuh priex daux nyiex maix? Maix meed ih priex ceu pa tix plak pon ngawb?

Daux meung Isarrilax baux im ju Yesux, khao mun mawh priex pa ting ceu pa ih kix ku ngaix heue. Kix yuh khaomun ka nghox koi mai


nghox ca heue. Kadaux been in ex tag sang yaox Yesux deuh priex pa ih ex mai pa lo ex ku singaix ting ceu. Yesux nhie kawn cau Nawh khankix sawg ti tawx pa ih pa un ka son pui hun. Viang kix keud ti ang chix teem chix yuh tom kub kawx, Yesux nawb buan ka piang ceu pa tawx kix heue.




¹⁰ Yam deeh hoek, kawncau khankix, kix krai
grawng ceu pa hoik huh kix ka Yesux. Yesux viex
kix lih ka veng tix veng, pa kok mawh Biesedax
heue.




¹¹ Viang mawh nan cub pui hun khankix, tawng grawng an mai hawt Yesux, Yesux rieb kix mai krai kix mhong grawng Meung Siyiex, Nawh cox pa koe jhawm saux kix moi heue.




¹² Yam dex sang faik praix plak bo, kawncau
Nawh kao ra kaux hoek mai ah nin ka Yesux,
“Ploi cub pui hun khankix hu heue, sonsang
hu laig kix ka daux yaong khankix pa koe
sivie siveng tin, sonsang pon kix pa ih tix mai
dee it tum, mawh kheu ot ex daux tiag
heue.”




¹³ Viang mawh nan Yesux ah nin ka kix, “Pex tawx pa ih son kix awx.”



Kix deeh ah nin, “Lheu khaing blah phwan
lon mai kax ra mu ngie phan ex ang hu liag ex
ang koe pa ih son pui in kix khawmuik.



¹⁴ Kheu kix simex dex koe phwan rheng kaux heue.” Yesux ah nin ka kawncau Nawh khankix, “Kieh kix ngawm tix cub, koe been tixphwan kaux tix cub heue.”



¹⁵ Kix yuh awm hoik nhie kix mai kieh pui khawmuik ngawm heue. ¹⁶ Nawh Cao teei blah phwan lon mai kax ra mu an mai maong ka raoma mai Nawh nawb bwan ka ankix mai sivit ti tawx ka kawncau Nawh khankix,



sonsang viex kix ti tawx ka pui khankix
heue.



¹⁷ Kix ih sak khawmuik. Mai deeh pon ti khrawm pa lheu khaix ih kix, pa max pa phawng koe kao ra phliex heue.

k. Deeh Thawk Theng

1. Yam hu Yesux ka veng Biesedax mai kawn cau Tix, mawh pui mawx pa hawt khaix kix?
2. Yesux yuh pa tix ka son pui pa hawt khaix Nawh khankix?
3. Mawh kheu jao pa tix kawn cau khankix tawx daux krax, nhie Yesux krai pui hun mhong son sang lih hu sawg kix ti ih priex?
4. Yesux nhie kawn cau khankix yuh pa tix son pui hun?
5. Kawn cau khankix koe priex ih miex ding?
6. Yam hoik tawx kawn cau khaomun mai kax ka Yesux, Nawh yuh pa tix ka an?
7. Khaomun lheu miex phliex?

kh. Krax Pa Doh Rhawm Ka Been

1. Mawh kheu jao pa tix pui khankix simie tix yaox ka Yesux?
2. Mawh kheu jao pa tix Yesux ang ploi pui hun hu?
3. Maix keud mawh kheu jao pa tix Yesux nhie kawn cau khankix tawx priex ih ka pui hun?
4. Maix keud mawh kheu jao pa tix sivoe sang rhoi tawx priex ih, Yesux yaog yaw buan son Siyiex?

G. Krax Pa Deeh Shiao Daux Ju Tix Khaing Been

1. Maix pon rieb gau ceu pa tix khaing grawng Yesux ka daux been in?
2. Bawg tix blah ex keud tix ang pex teem ka pui tang kaux, mawh kheu jao ex keud kub son nyiex ma tix ngie. Been in gau ex chix goik tix tawx ka pui pa lo krax teem khankix huh ka mawx?
3. Krax pa yaog yaw ex ka Siyiex ting ceu kheu jao pa tix? Ex caw tix yaog yaw buan son Siyiex yam mawx?

Ng. Ceu Pa Rieb Gau Ex Khaing Been In

1. Yesux ang sax iak riang ka gau ka ex. Nawh teem daux pa lo ex.
2. Viang Yesux mawh Siyiex kawx Nawh teei bawg yam yaog yaw ka buan son Siyiex?
3. Viang ceu pa koe ex mawh ceeix kawx, phan ex teem ka pui pa lo khankix, Siyiex naog buan ka ceu pa koe ex chix kieh haoh hun heue.
4. Maix rieb gau ceu pa tix? Kawn koe lox chawk lie?

Baux Lai Pa Caw Ti Ci

Lukax 9:11 Viang mawh nan cub pui hun khankix, tawng grawng an mai hawt Yesux, Yesux rieb kix mai krai kix mhong grawng Meung Siyiex, Nawh cox pa koe jhawm saux kix moi heue.